



册府元龜
卷之九百六十四
至六十七



13
849
310



13
849
310



册府元龜

淮南李嗣京參闕

西極文翔鳳訂正

豫章黃國琦較釋

外臣部 九

封册第二

唐高祖武德元年七月突厥曷婆那可汗弟闕可汗
遣使内附帝厚加慰撫拜爲吐焉過拔闕可汗
十二月突厥曷婆那可汗自宇文化及所來降封爲
歸義王

三年三月牂州蠻首謝龍羽遣使朝貢授龍羽牂州刺史封夜郎郡公。

七年正月封高麗王高建武爲遼東郡王百濟王扶餘璋爲帶方郡王新羅王金眞平爲樂浪郡王

太宗貞觀三年八月薛延陀可汗一利咄夷南遣使朝貢詔遊擊將軍喬師望齎冊書拜夷南爲毗伽可汗居大漠之北俱倫水南牙帳去長安四千餘里

四年三月以突厥夾畢特勤和順郡公阿史那思摩爲右武侯大將軍化州都督

是月詔突利可汗阿史那什鉢苾志懷英果識機能

斷情深獨悟寔惟先覺徃在北蕃位地兼重早知慕化特布款誠及漠北降災龍荒兆亂潛圖決策棄難歸朝披露肝膽備陳丹赤轉禍爲福厥義可嘉宜有褒隆用彰寵渥錫茲茅土識參戎禁可右衛大將軍封北平郡王食邑千戶

五月封突厥阿史那蘇尼失爲懷德郡王阿史那思摩懷化郡王

六年八月遣鴻臚少卿劉善因立四突厥莫賀設爲奚利咄咄陸可汗賜以鼓纛綵萬段是年遣中郎將奚孝彥冊立焉耆國王突騎友爲啞利失可汗

九年閏四月李靖平吐谷渾帝復建其國下詔曰伐罪弔人前王高義興亡繼絕有國令典吐谷渾擅相君長竊據荒裔志在凶德政出權門酋渠芻貳種落怨憤長惡不悛野心彌熾莫顧藩臣之節會無事上之禮竊據疆場皮劉珉庶積惡既捨天亡有徵朕君臨四海含育萬類一物失所浮責在茲所以爰命六軍申茲九伐義存活國情無黷武其子大寧王慕容順隋氏之甥志懷明悟長自中土早慕華風爰見時機浮識逆順以其父悞懷違象獨陷迷途遂誅邪臣存茲大計翻然改轍代父歸罪忠孝之美浮有可嘉

子能立功足以補過既往之愆特宜原免然其建國西鄙已歷年代即從廢絕情所未忍繼其宗祀允歸令子封順西平郡王食邑西千戶仍授趙胡呂烏耳豆可汗所司量遣使人備禮冊命

是年遣使持節冊命新羅金善德

臣欽若等曰善德金真平之女也真

平卒無子乃立善德為王以宗室大臣乙奈總知政國

柱國封樂浪郡公新羅

王

十年三月詔曰文德懷遠列聖之弘規興亡繼絕至仁之通訓吐谷渾發跡東胡東胡窟居西域負險自固擅立君長爰在前代通使中原或為叛臣不嘗厥

德近者慕容步薩鉢爲主老而不智迷而亡返志懷
首鼠度劉疆場朕頻命行人殷勤誘諭不納忠信之
言唯行蜂蠆之毒及六軍問罪尚令申諭遂無悛革
以至滅亡其子順國感事窮歷身無所委命下吏輿
輓轅門故令解網釋俘繼其宗祀乃懷貳志遵彼覆
車曾未浹旬自貽屠戮子燕王諾曷鉢弱不好弄幼
稱通理纔纂舊業卽逢內難故遣旌節遠申安撫遂
能率其種類同竭誠款盡其巢落迎謁使者屈膝頓
顙尊奉朝化請頒正朔願入提封丹誠內發深可嘉
尚宜隆寵章懋茲賞典可封河源郡王食邑四千戶

仍授烏地也拔勒豆可汗卽遣使人備禮冊命

十二年九月詔曰天地之德平分於四時皇王之道
無偏於萬物故能亭育黎庶覆燾區夏聲教咸洽於
遐方爵命不遺於殊俗薛延陀真珠毗伽可汗器宇
沉毅識具明允夙見時機早稟正朔忠誠峻節克著
於塞外貢獻琛賚不絕於王府加以訓勗裔嗣輯寧
種落俱率藩職咸慕朝風其子沙耽彌葉護拔酌達
度莫賀咄設頡利苾並志懷敦確氣幹強果或深竭
忠款迺心闕庭或遠經朝覲拜首軒陛言念冊誠良
以嘉尚宜錫徽號用申褒寵拔酌可四葉護可汗仍

賜狼頭纛四鼓四頡利苾可汗達莫賀咄葉護賜狼頭纛二鼓二仍令左領軍大將軍梁方師持節備册命

十三年七月詔曰天地大德覆載極於八荒日月貞明炤臨周於萬物是以哲王撫運聖人垂範經邦立政之道取法於造化興亡繼絕之義靡隔於華夷惟彼北戎代居荒塞養畜牧於天山之外擅勇敢於瀚海之濱逮其末葉狂愚嗣位侵盜之釁禍結於諸華苛暴之風毒被於大漠酋豪隳貳部衆離阻革面者相望於道路請命者填委於闕庭朕情切納隍志存

懷遠乃令上將拯其將溺元戎纔動倒戈相繼旣而屠耆歸命單于反接分地之長解辯而來王引弓之民盡落而內附龍城旣殄狼望遂空朕愍其破亡怒其瑕釁解縛焚櫬賜以再生牧電迴霜宥以寬政於是選內外之職分珪組以授之擇肥饒之地設州縣以處之開倉府以恤其饑寒馳轡軒以問其疾苦恩侔中夏禮均舊臣十載於茲矣時授命三靈因心百姓爰初薄代非貪闢土之功泊於克定實弘安民之道久欲存其亡國返其遺萌尚恐瘡痍未瘳衣食不足今歲已積年穀屢登衆種增多畜牧蕃息繒絮無

冊二
卷之九
封冊二
之咸弃其種衰菽粟有餘靡資於狐兔便可復其故
庭繼其先緒歸三祠於沮澤旋十角於廬山使復會
蹕林弭其依風之恩重宴樂水遂其向日之歡然則
左方旣建右地已設必候君長一其號令自壘鞬貴
種醞落忠誠何以宣布朝化輯寧藩服右武侯大將
軍化州都督懷化郡王李思摩器懷沉毅識用詳明
早慕皇風夙效丹款故寵以賜姓榮以高爵內典徼
循之重外受連卒之寄譽光朝職誠簡朕心錫以藩
號紹以宗祀可乙彌泥敦侯利苾可汗並賜之鼓纛
仍令就其部備禮冊命突厥及胡在諸州安置者並

令渡河還其舊部俾夫世作藩屏同之帶舊長保邊
塞傳諸後昆又以左屯衛將軍阿史那忠爲左賢王
左武衛將軍阿史那泥孰爲右賢王

十五年五月詔曰懷遠之道莫先於寵命飾中之義
無隔於遐方故柱國帶方郡王百濟王扶餘璋棧山
航海遠稟正朔獻琛奉賚克固始終奄致薨殞追遠
愍悼宜加嘗數式表哀榮可贈光祿大夫令其嫡子
義慈嗣位授柱國封帶方郡王百濟王使祠部郎中
鄭文表持節備禮冊命

七月命左領軍將軍張大師持節立西突厥弩失畢

賀咄葉護為乙毗沙鉢羅葉護可汗賜以鼓纛

十七年閏六月詔曰懷遠之規前王令典繼世之義

列代舊章高麗王嗣子藏

姓高各藏

器懷韶敏識宇詳正

早習禮教德義有聞肇承藩業誠款先著宜加爵命

允茲故實可上柱國封遼東郡王高麗王遣使持節

冊命

十九年九月薛延陀真珠毗伽可汗卒帝設祭於營

左為發哀初延陀請以其庶長子曳莽為突利失可

汗居東方所統皆雜種嫡子拔灼為四葉護可汗居

西方所統皆延陀詔許之並以禮冊命

二十二年正月新羅王金善德卒贈光祿大夫以善

德妹真德為柱國封樂浪郡王遣使持節冊命

是年契丹酋長窟哥等內屬為置松漠都督府以窟

哥為左領軍將軍兼松漠都督封無終縣男賜姓李

氏

高宗以貞觀二十三年卽位拜吐蕃贊府弄讚為駙

馬都尉

臣欽若等曰以尚
文成公主故也

封海西郡王弄讚因致書

長孫無忌云上初卽位若臣下有不臧之心者請勒

兵以赴之并獻金銀珠寶十五種請置太宗靈座之

前以表其誠於是進封賓王賜雜綵三千段乃刻其

形像列於昭陵玄闕之下

永徽元年以故龜茲王左武衛中郎將訶黎布失畢
為右驍衛大將軍尋放還蕃撫其餘衆依舊為龜茲
王先是太宗既破龜茲移置安西都護府於其國城
以郭孝恪為都護兼統于闐踈勒碎葉謂之四鎮帝
嗣位不欲廣地勞人復命有司棄龜茲等四鎮故訶
黎布失畢王其舊地

五年閏五月新羅女王金貞德卒以其弟國祖金春
秋為新羅王繼真德之位仍拜開府儀同三司封樂
浪郡王遣使持節備禮冊命

六年遣禮臣臣欽君等曰史闕官往西突厥冊拜頡苾達度設

為可汗頡苾達度設者咄六可汗之子也初為琿珠葉護與其父不遵朝化及賀魯之叛咄六死

後方遣使歸順頡表請兵誅討賀魯故有此授焉禮臣至碎葉城西賀魯兵拒之不得前又真珠未護部下廬帳並被賀魯兼并人衆寡弱不為羣夷所附禮臣遂不冊而歸

顯慶二年十二月伊麗道行軍總管右屯衛將軍蘇
定方大破阿史那賀魯于金牙山蓋收其所據之地
西域悉平詔分其地置蒙池崑陵二都護府以右武
衛大將軍阿史那彌射為驃騎大將軍崑陵都護與
昔亡可汗屯衛大將軍阿史那步真為驃騎大將軍
行右大將軍蒙池都護往絕可汗各賜物十萬匹仍

遣光祿卿盧承慶持節册命

三年正月立龜茲王嗣子白素稽爲龜茲王授右驍衛大將軍仍遣使就加册命

五月以左驍衛大將兼安西都護天山縣公麴智湛爲西州都督統高昌之故地

十二月以左驍衛大將軍渤海都督迴紇婆潤爲左衛大將軍右驍衛大將軍燕然都督多覽葛寒匄爲右衛大將軍

龍朔元年九月特遣新羅王金春秋薨帝遣使吊之便册其嗣子法敏爲新羅王

二年正月立波斯都督卑路斯爲波斯王

三年四月詔以新羅國爲雞林大都督府以新羅王今法敏爲雞林州大都督

乾封元年五月封河源王慕容諾曷鉢爲青海王

總章元年十月東天竺烏切茶國長年婆羅門盧迦逸多特拜懷化大將軍旌奇術也時逸多受詔合金丹

咸亨元年四月以西突厥首領阿史那都之爲左驍衛大將軍兼匄延都督以安輯五咄六及咽麵之衆上元二年正月以于闐國爲毗沙都督府分其境內

為十州以于闐王尉遲伏屠雄為毗沙都督擊吐蕃有功故也

開耀元年十月新羅王金法敏薨遣册立其子政明為新羅王仍襲父官爵

則天垂拱二年九月册拜右玉鈐衛將軍阿史那斛瑟羅襲其父繼往絕可汗

是月東女國王歛臂遣大臣湯劍左來朝仍請官號乃册拜歛臂為左玉鈐衛負外將軍仍以瑞錦製服以賜之

天授二年臘月以于闐王尉伏闕雄卒册立真子璣

為于闐王

一作璣

長壽二年新羅王金政明卒為之舉哀遣使弔祭册其子理洪為新羅王仍令襲父輔國大將軍行左豹韜衛大將軍雞林州都督

萬歲通天元年九月則天以突厥默啜不同契丹之逆遣在豹韜衛大將軍閻知微册授驃騎大將軍行左衛大將軍上柱國公遣善可汗

是月封康國王大首領左玉鈐衛將軍篤婆鉢提為康國王

二年十月左玉鈐衛負外將軍兼簡較汴州刺史李

括莫離為歸順王

聖曆元年七月册立泥沮師師為康國王

是年突厥啜遣使請和制遣左豹韜衛將軍閻知微入蕃册為立功報國可汗

三年臘月司禮卿兼池州大都護竭忠事上可汗阿史那斛瑟羅為左衛大將軍仍充平西軍大總管鎮撫碎葉

三月

臣欽若等曰是時則天以十一月為正十二月為臘月故三月在臘月之後

以吐谷

渾青國海王慕容宣超

一作宣超

為左豹韜衛員外大將

軍仍襲父烏地也拔勒豆可汗

長安二年新羅王金理洪卒則天遣使立其弟與光

為新羅王仍襲兄將軍都督之號

四年正月册拜右武威衛大將軍阿史那懷道為十姓可汗

中宗神龍二年二月封突騎施烏質勒為懷德郡王十二月戊戌命唱鹿州都督突騎施婆葛襲父易贊勒為左驍騎大將軍兼衛尉卿懷德郡王仍令右屯衛大將軍十姓可汗阿史那懷道充使册命

景龍三年七月遣使持節策授左驍衛將軍兼衛尉卿金河王突騎施守忠為歸化可汗

玄宗先天二年二月拜高麗大首領高定傳為特進
是月封靺鞨大祚榮為渤海郡王

大祚榮聖曆中自立為振國王在營

州東二千里兵數萬人至是遣郎將崔訢往册命祚榮左驍衛員外大將軍渤海郡王仍以其所統為汗州都督自是每歲遣使朝貢

開元三年八月高麗吐渾等諸蕃降附制曰天亡驕子胡運其終國有志臣漢封斯在高麗王莫離支高文簡都督跌跌思太吐渾大首領刺史漢容道奴郁射施大首領鶻屈利斤大首領刺史苾悉頡力麗大首領拱毅等或遼海貴族或陰山寵裔知則能勇權而善謀從事本蕃頡頏高位料逆順之道知變通之

節或誓以沉族或翻然庇身共驗到支之亡遂觀繇余之入將軍遇敵永罷射鵬使者迎降果聞乘傳棄寒苦之地就陽和之澤爾其誠矣朕實休之宜開土宇之封式盛壇場之制文簡可封遼西郡王食邑三千戶行左衛大將軍員外置同正員賜宅一區馬四匹物六百段跌跌思太可特進行右衛大將軍員外置兼跌跌都督封樓煩國公食邑三千戶賜宅一區馬三匹物五百段道奴可左威衛將軍員外置兼刺史封雲中郡開國公食邑二千戶賜宅一區物四百段馬兩匹鶻屈頡斤可左驍衛將軍員外置兼刺史

封陰山郡開國公食邑二千戶賜馬兩匹物二百段
苾悉頡力可左武衛將軍負外置兼刺史封馬門郡
開國公食邑二千戶賜馬兩匹物四百段宅一區拱
毅可左領軍衛將軍負外置兼刺史封平城郡開國
公食邑二千戶賜馬兩匹物四百段鵲頡川妻契苾
賜物壹百五十段手力二人各賜物五十段

四年八月契丹李失活奚李大酺各以所部來降制
曰混一六合紀綱四海開物所以苞舉華夷列爵所
以範圍中外契丹松漠州都督李失活奚饒樂州都
督李大酺等並材雄劍騎家襲簪組翻飛涿鹿之郊

高視無間之地徃屬註惑遂爾攜離海表爲虞在苞
桑之厚戒彙徃順命乃連茹而同歸柔懷有章寵渥
斯在俾侯利建宜膺胙土之榮上將師貞仍允齋壇
之拜失活可封松漠郡王食邑三千戶行左金吾衛
大將軍大酺可封饒樂郡王食邑三千戶行右金吾
衛大將軍並負外置餘如故

五年五月册命勃律國王蘓弗舍利支離泥爲勃律
王册曰維開元五年歲次丁巳五月庚子朔二十七
日丙寅皇帝若曰於戲夫象賢踵德匪直諸華開國
承家無隔殊俗咨爾勃律國王蘓弗舍利支離泥卿

歷代酋渠執心忠肅遙申誠款克修職貢謝知信繇其遠畧郭虔瓘所以足兵行觀郁成授首何止匈奴斷臂是用命爾爲勃律國王爾宜善始令終長奉正朔寧人保國慶及苗裔徃欽哉其先膺典冊祗朕寵命可不慎歟

六年五月制曰王者懷柔莫不率俾禮其君長必備典章右武衛大將軍負外置突騎施都督車鼻施噉蘇祿中部貴人右賢豪緒族系繁於朔野郊廛拒於陰寒自趨風入獻服義來歸爰奉戎索實司邊行懋勲可紀忠節是嘉俾昇絕席之尊仍茂錫圭之寵可

左羽林軍大將軍負外置仍封順國公食邑三千戶餘有故並賜錦袍鈿帶魚袋七事仍充金方道經畧大使所司備禮冊拜

六月以故松漠郡王李失活弟中郎將婆固爲松漠都督左金吾衛大將軍負外置同正負靜柝軍經畧大使襲封松漠郡王食邑二千戶

七年三月忽汗州都督渤海郡王大祚榮卒遣使撫立其嫡子桂婁郡王大武藝襲爲左驍衛大將軍渤海郡王忽汗州都督

七月龜茲國王白莫苾卒以其嫡子孝節嗣位

十月册金方道經畧大使突騎施蘇祿爲忠順可汗
八年三月封護密國王羅施伊其骨咄祿多比勒莫
賀咄達靡薩爾爲護密王賜紫袍金帶七事并雜綵
五十匹

四月遣使册立烏長國王骨咄國王俱立國王並降
册文皆賜綵二百段三國在安西之西與大食隣境
大食煽誘爲虐俱守節不從潜布款誠于朝廷帝深
嘉之

六月遣使册勃律國王蘇麟臨逸之爲勃律國王

八月遣使册箇失密國王直監羅祕利爲箇失密國

王

是月册渤海郡王左驍衛大將軍大武藝嫡男大都
利行爲桂婁郡王

九月遣使册葛達羅支頡利發誓屈爾爲謝颯國王
葛達羅支特勒爲剽賓國王

十一月遣使册南天竺國王尸利那羅僧伽寶多拔
摩爲南天竺國王

十年四月以契丹首領松漠府都督李薊于爲松漠
郡王奚首領饒樂府都督李魯蘇爲饒樂郡王各賜
物一千疋銀器七十事及錦袍銀帶等

五月牂州刺史夜郎郡公謝元齊死詔立其嫡孫嘉
藝襲官封

十二年八月制曰尸利佛誓國三尸利施羅拔摩遠
修職貢載勤忠款嘉其乃誠宜有褒錫可遥授左威
衛大將軍賜紫袍金鈿帶

十四年改封契丹松漠郡王李邵固爲廣化王奚饒
樂郡王李魯蘇爲奉誠王仍封宗室外甥女二人爲
公主各以妻之制曰李邵固等輸忠保塞乃誠奉國
屬外寰中無遠不屈而華裔靡隔等數有加宜賜休
名俾承慶澤

十六年正月封于闐阿摩支知王事石武衛大將軍
負外置同正負上柱國尉遲伏師爲于闐王册曰踐
義立身資忠成性稟崆峒之氣威武可稱慕函夏之
風款誠必盡功著沙漠聲聞闕庭宜有褒崇俾膺封
建今遣大理正攝鴻臚少卿喬夢松册爾爲于闐王
於戲祗若順訓聿修令德無怠無荒以保土宇爾往
欽哉又封踈阿摩支裴安之爲踈勤國王册曰維開
元十六年歲次戊辰正月戊戌朔十四日辛亥皇帝
若曰萬邦述職無隔華夷五等疏封式固藩屏咨爾
踈勒阿摩支知王事左武衛將軍負外置裴安之誕

靈蒲海稟秀葱山蘊義以立名蹈仁而成德雖日月所照莫非王土而烽燧時警猶曰虜庭遂能扞彼邊陲歸我聲教載闡疇庸之義俾弘利建之風今遣大理正攝鴻臚少卿喬夢松冊爾爲疏勒王於戲允迪緜庶勿替敬典綏厥戎落永爲漢藩爾往欽哉

十七年正月冊吐火羅骨咄祿頡達度爲吐火羅葉護悒怛王

十九年四月突厥可汗弟闕特勤卒冊小勃律國王難泥爲其國王降書謂之曰惟爾代雄荒服爲國藩衛居萬里之外竭一心之忠用能潛應王師克剪悖

寇葱河失險青海無波使我威靈遠加繇爾誠節克著言念功效歎美良浮今冊爾爲本國王并賜衣帶王宜領取

是月康國王烏勒遣使上表請封其子咄褐爲曹國王默爲米王並許之降書報烏勒曰卿僻在遐荒久修誠款情深本國志慕欽風節義著於家邦忠孝兼於臣子言念懇到歎美良浮所請各依可知朕意

二十年九月護密主發卒封其弟護真檀爲護密國王

是年渤海桂婁郡王大武藝病死其子大欽茂嗣立

帝降書册且弔之曰念卿亡父素勵誠節與善無微
 奄至殂謝興言求往軫念良泮卿是長嫡當襲父位
 宜全忠孝以繼前蹤今故遣使持節册命兼申弔祭
 册曰皇帝若曰於戲王者宅中守在海外必立藩長
 以寧遐荒咨爾故渤海郡王嫡子大欽茂代承緒業
 早聞才幹昔在爾考忠於國家爰逮爾躬當茲負荷
 豈惟立嫡亦乃擇賢休問可嘉寵章宜及是用命爾
 為渤海郡王爾往欽哉永為藩屏長保忠信效節本
 朝作範殊俗可不美歟
 是年突厥可汗小殺卒國人立其子為伊然可汗詔

宗正卿李佺册立

伊然病卒立其弟登利可汗登利華言果報也

二十一年四月册箇失密國王木多筆為本國王册
 曰維開元二十一年歲次癸酉四月丁酉朔五日辛
 丑皇帝若曰咨爾箇失密國王木多筆嗚呼奕葉歸
 順遠輸誠節修職貢之禮受蕃落之寄時有代謝兄
 亡弟襲保界山川輯率黎庶國有制度俗尚清靜可
 不勉歟今命爾為箇失密國王恭膺册命往欽哉
 九月護密國王真檀來朝宴于內殿授左金吾衛將
 軍負外置賜紫袍金帶魚袋等七事及帛百匹放還
 蕃

是年渤海靺鞨越海入寇登萊詔新羅王金興光發兵討之仍加授興光開府儀同三司寧海軍使

二十三年正月契丹知兵馬官李過折來獻戎捷制日高懸爵秩以待勲庸能者得之固其宜也契丹兵馬官李過折蕃中貴種塞下雄才其謀慮之深既能轉禍當義勇之發何異疾雷故得積年逋誅一朝蕩滌使烏窠之衆復爲戎人鷹揚之師且息邊甲言念誠節宜超等數特加象輅之封仍異龍城之禮可封北平郡王同幽州節度副大使賜帛一千疋

二十五年正月新羅王金興光卒其子承慶嗣位遣

使來告帝悼惜久之贈太子太保命贊善大夫邢疇
疇鴻臚少卿徃其國行甲祭册立之禮興光新羅王政明之子理供之弟也

二十六年九月封西南大酋帥蒙歸義爲雲南王制日古之封建誓以山河義在疇庸故無虛授西南蠻都大酋帥特進越國公賜紫袍金鈿帶七事歸義挺秀西南是稱首傑仁而有勇孝乃兼忠懷馭衆之長材秉事君之勁節瞻言諸部或有姦人潛通犬戎敢肆蜂虻遂能躬擐甲冑總率驍雄深入長驅左紫右拂凡厥醜類應時誅剪戎功若此朝寵宜加俾膺胙

土之榮以勵扞城之士復遣中使李思敬齎冊書往冊焉

十月詔康國王烏勒卒封其子咄喝爲嗣謝颺國王誓颺卒封其子如沒拂達爲嗣曹國王沒羨卒封其弟蘇都僕羅爲嗣史國王延屯死封其子忽鉢爲嗣皆死在他年今從赴也

是月蜀賓國王烏散勒灑以年老上來請立其嫡子佛林蜀婆嗣位從之乃封佛林蜀婆爲蜀賓國王自康國已下皆降書宣慰冊土二十八年三月以石國蕃王莫賀咄吐屯有功封爲石國王加特進仍賜旌

節翌日又冊爲順義王冊曰維開元二十八年歲次庚辰三月丁亥朔二十二日戊申皇帝若曰於戲茂秩攸升疏封有命寵榮斯及必在英賢咨爾石國王莫賀咄吐代襲誠節器標果斷盡忠向化作扞蕃陲項以蘇祿殘妖尚爲邊患乃能納其隣國授以良圖候彼疆場相爲表裏致令克清邊徼遠輯殊方實賴心膂載宣勲力靜言褒異非爾而誰是用冊爾爲順義王爾宜敬慎王猷撫寧部衆永保藩輔可不慎歟是月加拓羯王斯謹鞮特進賞平蘇祿可汗之功冊曰維開元二十八年歲次庚辰三月丁亥朔二十六

日壬子皇帝若曰於戲乃瞻陰方代有君長至於膺
我盛禮榮彼殊鄰必擇其人諒無虛授咨爾突厥苾
伽骨咄祿可汗氣稟崆峒材雄朔漠見事無惑執心
不渝迄先代以來結好中國自續承舊業克繼前修
遠遣使臣來朝闕下義之所感情實嘉焉不有褒稱
孰彰忠順是用冊爾為可汗今遣從弟左金吾衛將
軍質持節禮冊往欽哉可汗其丕承徽章益勵名節
永保多福以貽後昆可不慎歟

是月積西節度使蓋嘉運俘吐火仙可汗來獻帝特
捨之授以官爵制曰德以柔遠兵以威敵服而捨之
古之制也突騎施吐火仙可汗骨啜弟葉護頰阿波
等背北乘邊阻兵恃衆雖蟻聚為梗或擾疆場而王
師所向盡擣巢穴憫其束身就戮歸命而朝宜加宥
過之典載洽覃恩之命俾厥弟兄並膺光寵或分茅
土復列鉤陳骨啜可左金吾衛負外大將軍仍封為
循義王頡阿波可右武衛負外大將軍
是年遣右金吾將軍李質齎璽書入突厥冊立登利
為可汗

二十九年二月小勃律國王卒冊立其兄麻號來嗣
位冊曰於戲王澤無偏義弘於遠邇朝榮所厚諒敦

於款誠咨爾麻號來代襲君長家傳忠信地雖限於
絕域心每歸於本朝爰建爾躬足繼前緒素有馭下
之畧益堅奉上之志是用冊爾為勃律國王爾其敬
膺典冊無忘節義永保土宇以貽子孫可不慎歟

冊府元龜

淮南李嗣京叅閱

西極文翔鳳訂正

豫章黃國璋較釋

外臣部

十

封冊第三

唐玄宗天寶元年正月封女國王趙曳夫為歸昌王
授左金吾衛大將軍佛逝國王劉滕未恭為賓義王
授右金吾衛大將軍眈國王楊多過為懷寧王授左
羽林軍大將軍並員外置各賜帛八十疋放還部落

六月冊突騎施大纛官都磨度闕頡斤爲三姓葉護仍授左羽林軍大將軍冊曰維天寶元年歲次壬午六月甲戌朔二十二日乙未皇帝詔曰於戲王會無外不隔遐方必揆忠款是加寵命咨爾骨咄祿毗伽都磨度闕頡斤代襲榮望名擅驍騎信義有聞部衆稱美往在蕃任受制克威元惡已除能革心而向化牙纛旣立克輔主以歸懷嘉爾誠心載崇賞秩是屆命爾爲三姓葉護往欽哉爾其祗奉典冊懋明忠順善切君長勉樹勲庸可不慎歟

二年五月新羅王金承慶卒弟憲英襲位制曰故開府儀同三司使持節大都督鷄林州諸軍事兼持節寧海軍使新羅王金承慶弟憲英奕葉懷仁率心嘗禮大賢風教條理尤明中夏軌儀衣冠素襲馳海琛而遣使準雲呂而通朝代爲純臣累效忠節頃者兄承土宇沒而絕嗣弟膺繼及抑惟嘗經是用賓懷優以冊命宜因舊業俾承蕃長之名仍加殊禮載錫漢官之號可襲兄新羅國王都府儀同三司使持節大都督鷄林州諸軍事兼克持節寧海軍使
三年閏二月封陁拔薩憚國王爲恭化王冊曰維天寶三年歲次甲申閏二月乙未朔二十二日丙辰皇

帝詔曰於戲王化所及禮在於懷柔蕃部有歸義存
于冊咨爾陀拔薩憚國王阿魯施多志懷恭順深
達智謀賓以使臣修其職貢信義昭著深可褒稱是
用命爾爲恭化王爾其祗奉典冊懋遵風教忠勤自
勵始終無違用率於遐邦以宣我朝命可不慎歟
六月封突騎施伊里底密施骨咄祿毗伽爲十姓可
汗冊曰維天寶三年歲次甲申六月癸巳朔十二日
甲辰皇帝詔曰於戲覆燾之德豈隔於華夷綏懷之
道實貴於忠順咨爾突騎施伊里底密施骨咄祿毗
伽承其宗緒達於智謀能和衆心以致寧靜載執蕃

禮遠效懇誠節義照明深可嘉尚是用命爾爲十姓
可汗往欽哉爾其膺懋典冊祗奉朝化蹈此忠信保
於始終用主於遠方以光其寵命可不慎歟

七月封九姓葉護男賀獵爲燕郡王

是月賜曹國王號爲懷德王米國王爲恭順王康國
王爲欽化王

四載七月安國王屈底波遣使朝貢遂封屈底波爲
歸義王

九月命蜀賓國王男勃準襲父位冊曰維天寶四年
歲次乙酉九月乙卯朔二十二日丙子皇帝詔曰於

戲遠方恭順褒錫宜優累代忠勤寵章斯及咨爾蜀
賓國王男勃準宿承信義早竭欵誠寧彼下人二蕃
安靜繼其舊業萬里來朝秉節不渝懇懷彌著愿情
之至深可嘉焉是用冊命襲蜀賓國王及烏長國王
仍授右驍衛將軍往欵哉爾其肅恭典冊保尚忠義
承膺於寵命以率於遐蕃可不慎歟

五載四月封奚王婆固為昭信王仍授驍樂府都督
契丹王楷離為恭仁王仍授松漠府都督

六載二月封陁拔斯單國王忽魯汗為歸信王羅利
支國王伊思俱習為義寧王岐蘭國王盧薛為義賓

王涅蒲國王謝沒為奉順王渤達國王摩俱滴思為
守義王都盤國王謀思徒摩訶延為順德王阿沒國
王俱般胡沒為恭信王沙蘭國王卑畧斯威為順禮
王

七載雲南王蒙歸義卒詔立其子閻羅鳳襲雲南王
八載七月冊十姓突騎施移撥為可汗冊曰爵以疇
庸德以懷遠乃建蕃國抑惟舊章十姓突奇施移撥
可汗骨咄祿毗伽俱支効欵輸誠志稱勇烈克保忠
貞之節且兼射御之能信義無愆邊隅是賴加以不
從惡黨遠慕華風言念爾勞載懷嘉尚曠茲部伍必

仗材雄宜式拜於寵命俾有膺於殊禮可冊爲十姓
突騎施移撥可汗

九載三月冊謁帥國王勃特沒兄素迦爲王冊曰於
戲賞勞之制必崇名器懷柔之典無替疇庸咨爾謁
帥國王勃特沒兄素迦代竭忠誠僻居遐裔夙懷智
識早聞勇義頃以勃特沒於鄉不孝於國不忠而卿
抱屈旣深又被淪棄今惡黨已殄克結就擒鄉遂能
輸忠赤於朝廷表仁惠於蕃部永言効節宜膺旌賞
是用冊爾爲謁帥國王爾其丕荷國恩克修蕃禮子
孫萬代長保寵榮豈不美歟可不慎歟

十一載正月壬寅冊骨咄國王羅全節爲葉護冊曰
維天寶十一載歲次壬寅正月己卯二十四日壬辰
皇帝詔曰於戲疇賞懋功無隔於中外懷荒卹遠諒
歸於典謨咨爾國咄國王羅全節夙遵聲教志尚忠
節作捍邊疆勤効斯著頃者以群醜撥動方欲脅從
而忠懇不渝始終彌固言念於此嘉尚良深是用授
爾驃騎大將軍仍冊爲葉護爾其祗膺典禮慎守封
疆貽慶子孫受茲寵錫可不美歟

十二載九月以骨咄祿三姓毗方伽頡利發爲左羽
林軍大將軍員外置同正員又以骨咄祿毗伽爲突

騎施可汗

是月葛邏祿葉護頓毗伽生擒阿布思制曰葛邏祿葉護進頓毗特稟英姿擅雄荒服威信馭衆智畧起群仗弘義以立節竭至誠而嚮順逆虜阿布思丘山積釁天地匪容未就誅夷仍茲鼠竄遂能率引弓之旅佐轉戰之師生縛克渠咸殲醜類雖不長元惡顧神理之必誅而與我同仇乃忠勇之斯美疇其茂績寵以殊榮可開府儀同三司封金山王依舊克葉護祿俸於北庭給其葉護妻及母並封爲國夫人

十月封石國王男邦車俱鼻施爲懷化王

十四載四月以投降蘇毗王子悉諾邏爲左驍衛員外大將軍封懷義王賜姓李名忠信其屬官賜各有

差

蕭宗至德二年十二月詔曰功濟艱難志存邦國萬里絕域一德同心求之古今所未聞也迴紇葉護特稟英姿挺生奇畧言必良信行表溫恭才爲萬人之敵位列諸蕃之長屬克醜亂嘗中原未靜以可汗有弟兄之約與國家興父子之軍奮其智謀討彼兇逆一鼓作氣百萬摧鋒二旬之間兩京克定力拔山嶽精冠風雲蒙犯曾不辭其勞急難無以渝其分固可

縣之日月傳之子孫豈惟列土之封誓河之賞夫位之崇者司空第一名之大者封王最高可司空仍封忠義王每載送絹二萬疋至朔方軍差使領受乾元元年七月册命廻紇可汗爲英武威遠毗伽可汗仍令堂弟漢中王瑀充使

代宗廣德元年七月册廻紇可汗爲頡咄登密施舍俱祿英義建功毗伽可汗可敦册爲婆墨光親麗華毗伽可敦可汗可敦及左右内外宰相已下共加實封二萬戶令御史大夫王翊持節就牙帳禮册左右殺胡祿都督等並封爲王諸都督一十一人並封國

公

大曆二年二月以新羅王金憲英卒國人立其子乾運爲王遣其臣金隱居請加册命詔以倉部郎中歸崇敬兼御史中丞持節齎册書弔册之以乾運爲開府儀同三司新羅王仍册乾運母爲太妃

六年十一月文單國王來朝詔曰周有越裳重譯漢有槃木獻詩遠方來儀從古所記文單國副王婆彌慕我中朝之化方通南極之風義在撫柔禮當加等可開府儀同三司試殿中監

德宗建中元年六月以京兆尹源休持節册廻紇頓

莫賀爲武義成功可汗帝初嗣位使中官梁文秀告
哀迴紇修舊好可汗移地者又陳中國便利以誘其
心可汗乃舉國南下將乘我喪其宰相頓莫賀達於
諫曰唐大國也且無負於我前年入太原獲羊馬數
萬計可謂大捷矣以道途艱難比及還國傷耗殆盡
今若舉而不捷將安歸乎可汗不聽頓莫賀乘人心
之危因擊殺之并殺其親信及九姓胡所誘來者凡
二千人頓莫賀自立號爲合骨咄祿毗伽可汗使其
酋長建達于隨梁文秀來朝故命持節冊拜焉

貞元元年正月以祕書丞孟昌源爲國子司業兼御
史中丞新羅弔祭冊立使先是建中四年新羅王金
乾運卒無子國人立其上相金良相爲王三是詔授
良相簡較太師都督鷄林州刺史寧海運史遣昌源
弔冊之

是年新羅王金良相卒其上相金敬信爲王詔令襲
其官爵敬信卽從兄弟也
四年四月封東蠻鬼王驃旁苴夢衛苴烏星等爲和
義順政等郡王驃旁等自陷雋州臣於吐蕃絕朝貢
者二十餘年及是劍南節度韋臯招誘之始棄吐蕃
內附來朝特封爲郡王且衣以冠帶仍給兩林勿鄧

等部落印而遣之

五年十二月詔廻紇汧咄祿長壽天親毗伽可汗夢以鴻臚卿郭降克冊廻紇忠貞可汗使

七年二月以鴻臚少卿康鋌兼御史大夫冊廻紇可汗及弔祭使先是六年四月忠貞可汗國人所募立其子爲可汗遣達北勒梅祿將軍告哀且請冊新君故有是命

九年七月東女國王湯立悉來朝授立悉銀青光祿大夫歸化州刺史

是年哥隣國王董臥庭來朝至綿州卒贈武德州刺

史命其子利羅爲保寧都督府長史襲哥隣王

十年五月以西川歸化蠻悉嗟爲左驍衛將軍同正是月加工部員外郎袁滋兼御史中丞賜紫金魚袋持節冊南詔使南詔異牟尋卽雲南王閣羅鳳之孫天寶中閣羅鳳北臣吐蕃命爲贊普鍾曰東帝給以金印大曆十四年卒異牟尋嗣立至是乃去吐蕃所立帝號請復南詔舊名帝嘉之賜以金印銀窠其文曰貞元冊南詔印

十二月封南詔清平官簡較左散騎嘗侍尹求寬爲高溪郡王

十一年二月令內嘗侍殷志膽將册書往渤海册大
嵩璘爲渤海王忽汗州都督嵩璘渤海大欽茂之子
襲父位也

五月册拜廻紇騰里邏羽錄沒密施合胡祿骨咄祿
毗伽懷信可汗以祕書少監史館修撰張薦兼御史
中丞克使

十四年三月加渤海郡王兼左驍衛大將軍忽汗州
都督大嵩璘銀青光祿大夫簡較司空册爲渤海國
王依前忽汗州都督大嵩璘父欽茂以開元二十六
年襲其父武藝忽汗州都督渤海郡王左金吾大將

軍天寶中累加特進太子詹事賓客寶應元年進封
渤海國王大曆中又累拜司空太尉及嵩璘襲位但
授其郡王將軍嵩璘遣使叙禮故更加册命焉

十一月以朔方靈州同節度副使左金吾衛大將軍
同正兼詳太嘗卿慕容復襲長樂府都督青海國王
烏地野拔勤豆可汗

十六年四月以故開府儀同三司簡較太尉使持節
克寧海軍使上柱國新羅國王金敬則嫡孫權知國
事俊邕可襲祖開府簡較太尉鷄林州大都督等新
羅國王令司封郎中兼御史中丞韋丹持節册命丹

至鄆州聞俊邕卒其子立詔丹還

十九年正月授黎州廓清道蠻首領襲恭化郡王劉

志遼試太嘗卿

順宗以貞元二十一年正月即位三月立新羅嗣王

金重熙爲開府儀同三司簡較太尉使持節大都督

鷄林州諸軍事鷄林州刺史兼持節克寧海軍使上

柱國其母和氏爲太妃其妻朴氏爲妃遣兵部郎中

兼御史大夫季方克使

四月封彌臣嗣王道勿禮爲彌臣國王

五月加忽汗州都督渤海王大嵩璘金紫光祿大夫

簡較司徒

憲宗以永貞元年八月卽位時迴紇懷信可汗卒使
來告喪

十一月册命可汗爲愛登里邏汨德沒施俱錄毗伽

可汗以鴻臚少卿兼御史中丞孫杲克弔祭册立使

元和元年二月授入朝奚王梅落銀青光祿大夫簡

較司空饒樂郡王放還蕃國

十月加忽汗州都督渤海國主大嵩璘簡較太尉

十二月以南詔異牟卒册其子驃信酋蒙闍勸爲南

詔遣諫議大夫段平仲司封郎中李逢吉克副使并

鑄元和冊南詔印從平仲所請也

三年五月以廻鶻騰里野合俱祿毗伽可汗卒命使冊九姓廻鶻可汗爲愛登里囉汨沒密施合毗伽係義可汗以前山南西道節度使柳晟爲簡較工部尚書兼將作監持節克使

六月沙陀突厥七百人携其親屬歸於振武節度使定希朝尋授其大首領曷勒阿波左武衛大將軍同正員兼陰山府都督祕書監

四年正月以故渤海國王大嵩璘男元瑜爲銀青光祿大夫簡較祕書監克忽汗州都督冊爲渤海國王

十月以投來奚王沒辱孤爲右領軍衛將軍員外同正克幽州盧龍軍節度平州遊奕兵馬使仍賜姓李氏

七年七月以新羅王金重熙卒立其相金彥昇遣使來告詔以彥昇爲開府儀同三司簡較太尉使持節大都督鷄林州諸軍事兼持節克寧海軍使上桂國封新羅國王妻真氏冊爲妃仍令有司准式兼命職方員外郎攝御史中丞崔延克使

八年正月以故渤海國王大元瑜長弟權知國務言義爲銀青光祿大夫簡較祕書監忽汗州都督冊爲

渤海國王遣內侍李重旻克使

十一年五月南詔龍蒙盛卒遣使請冊立其君長命少府少監李銳兼御史中丞持節冊立左贊善大夫許堯佐副之

十三年四月以知渤海國務大仁秀爲銀青光祿大夫簡較祕書監忽汗州都督冊爲渤海國王

十五年閏正月加忽汗州都督渤海國王大仁秀金紫光祿大夫簡較司空

穆宗長慶元年四月以廻紇毗伽保義可汗卒正衙冊廻鶻君長爲登羅羽祿沒密施合句祿毗伽可汗以少府監裴通克使

三年九月南詔遣使朝貢以京兆少尹韋審規爲冊立南詔使

敬宗寶曆元年五月命使冊立九姓廻鶻愛登里囉汨沒密施合毗伽昭禮可汗遣品官田務豐領國王文宗太和四年七月以投來奚王茹羯爲守右驍衛將軍員外置同正員

五年正月以權知渤海國王務大燹震爲銀青光祿大夫簡較祕書監兼忽汗州都督冊爲渤海國王四月以新羅金彥昇率詔其子景徽爲開府儀同三

冊府元龜 卷之六十一
司簡較大尉使持節鷄林州諸軍事克鷄林州大都督寧海軍等使仍賜上柱國封爲新羅王復封其母朴氏爲新羅太妃妻真氏爲王妃命大子左諭德兼御史中丞源寂持節弔祭册立

七月四月制曰王者運神功以清九有敷至德以柔四夷雖萬國建邦皆有君長而一時禱禮特厚親隣用昭絕漠之榮式示徽章之貴克膺盛典允屬雄材咨爾九姓迴鶻愛登里羅川沒密施合句祿毗伽彰信可汗代濟公忠時推英毅剛明有守信實不渝總北方勁悍之師慕中華清淨之化克昭前訓實懷遠

圖慶叶承家願申永好彼無侵軼此務綏安兩國感歡六姻彌重事大之義而合志春秋相嚮之誠而交如日月使臣旁午贊幣交馳詞意綢繆禮貌恭恪是嘉誠欵宜錫寵光必能虔受新恩慕乃舊服今遣使寧遠將軍右金吾衛將軍兼御史大夫上柱國賜紫金魚袋唐弘實副使中大夫將作少監兼御史中丞賜紫金魚袋嗣澤王容等持節備禮册爲九姓迴鶻愛登里羅川沒密施合句祿毗伽彰信可汗於戲海內四極惟唐舊封天下一家與我同軌舉茲典册布於神明爾其慎固封疆祇守名器罔墜先烈載揚令

猷欽承禮文以作來範

武宗會昌二年六月封天德降到迴鶻首領唱沒斯
爲懷化郡王賜牙旗豹尾尋加簡較工部尚書兼歸
義軍使制日迴鶻代雄絕漠名振北蕃而乃厭金革
之疆慕朝廷之禮頻襲冠帶思覩漢儀蟬蛻自取其
潔清豹變獨蔚於文彩不有豪傑孰啓壯圖唱沒斯
稟氣陰山降精斗極生知忠孝神授兵鈐自強之心
隱如敵國銳上之氣森若戈矛果能因亂布誠觀機
立節深叶懷柔之志不因告諭之詞昔者取士殊隣
秦能致霸得賢異壤晉實用材是宜優以寵光處之

權貴褒納忠之顯效賜歸義之美名裨建旆於新軍
示絕席於諸將勉修臣節嚴我官榮

九月制契丹新立王屈戌可雲麾將軍守右武衛將
軍員外制同正員仍賜新印篆其文曰奉國契冊之

印

宣宗大中元年四月冊默戛斯首領爲英武誠明可
汗國曰堅昆以鴻臚卿李業克使

後唐莊宗同光元年賜陰山府都督白承福於中山
北石門爲柵號寧朔奉化兩府以都督爲節度使賜
姓李名紹魯

二年四月迴鶻權知可汗仁美遣使來貢制曰迴鶻可汗仁美代襲驍雄生知義烈乘北方忠順之氣爲南面沙漠之君自列聖有國之初便申盟誓及肅宗中興之運繼立勲庸爾來貢奉不違戎馬無警一心嘗保於甥舅萬里或結於姻親今則與服之初琛俄至仍聞撫寧七部兼且控制諸蕃終姓之道無渝信言必復嗣緒之文斯在典冊宜行俾紹前修且明久要宜封爲英義可汗仍令所司擇日備禮冊命乃以太原少尹李彥圖簡較工部尚書爲冊使

明宗天成元年十月以薊州山後兩林百蠻都鬼主右武衛大將軍李早晚爲寧遠將軍大渡河南山前印州六姓都鬼主懷安郡王勿鄧標莎爲定遠將軍三年二月命使冊迴鶻權知可汗仁祕爲順化可汗長興三年五月制權知高麗國事王建可特進簡較太保使持節玄菟州都督上柱國封高麗國王克大義軍使

末帝清泰元年七月癸丑簡較刑部尚書瓜州刺史慕容歸盈轉簡較尚書左僕射時瓜沙附迴鶻來朝貢令使歸故有斯命

晉高祖天福三年十月制曰于闐國王李聖大境控

西陲心馳北闕頂屬前朝多事久阻來庭今當資曆
開基乃勤述職請備屬籍宜降冊封將引來遠之思
併樂無爲之化宜冊封爲大寶于闐國王仍令所司
擇日備禮冊命以供奉官張光鄴克使

四年三月制曰迴鶻可汗仁美雄臨朔野虔奉中朝
一方之降燧蔑聞萬里之梯航繼至自當開創益效
傾輸備觀尊獎之心爰降冊封之命宜封爲奉化可
汗擇日備禮冊命遣衛尉卿邢德昭持節使之

六年五月制曰王者法二象以覆載齊七麗以燭臨
既符有道之文是布無私之化其有誠懸象闕路越

鯨津首領拱極之心久勵事君之節得不示四時之
信同萬國之風用顯英賢俾行典禮大義軍使特進
簡較太保使持節玄菟州都督上柱國高麗王王建
天資間傑神授機謀宇量矜嚴靈襟洞達志堅金石
操凜雪霜每切朝宗嘗勤事大守三韓之重地仁義
兼修定百濟之疆隣恩威並振暨朕握圖御宇膺籙
開基遣猶子以朝天備彰忠節改名臣而稱賀益認
深誠而又敘立國之繇述連姻之舊慕予正朔顯爾
籌謀是用時舉徽章聿置豐澤階升一品位統三師
加以戶封兼其真食勉庶寵命以保令猷可開府儀

同三司簡較太師依前使持節玄菟州都督克大義軍使食邑一萬戶食實封一千戶高麗國王八月遣光祿卿張澄國子博士謝攀往冊命焉

少帝開運二年十二月以權知高麗國事王武為特進簡較太保使持節玄菟州都督上柱國克大義軍事兼御史大夫高麗國王仍命光祿卿范政太子洗馬張季凝就行冊命

周太祖廣順二年二月制權監高麗國事王昭可特進簡較太保使持節玄菟州都督上柱國克大義軍使封高麗王仍令所司請禮冊命以衛尉卿劉暉克

冊使通事舍人顧彥浦副之暉卒於路彥浦溺海而死以太僕少卿王演借衛尉卿克高麗國冊禮使右衛率府呂繼贊借將作少監克使副

世宗顯德二年十一月以高麗國遣廣評侍郎荀質來賀登極授其國王王昭開府儀同三司簡較太尉制曰姬旦分疆肅慎列明堂之位武王尊德朝鮮受箕子之封矧乃代守東藩材稱間世襲衣冠而奉正朔瞻象魏以走梯航推誠遠慕於華風重譯來朝於興運嘉乃丕績宜覃懋恩特進簡較太尉使持節玄菟州都督大義軍節度使上柱國高麗國王王昭地

控辰韓風行日域命氏本神僊之族炳靈分象緯之
精為仁自契於太平既觀繇已述職罔殊於諸夏來
奉克庭朕嗣守鴻圖方崇王道禮樂征伐之柄盡出
眇躬山河帶礪之盟必傳不朽但遵聲教豈限遐遙
俾光燾土之封更假自天之寵於戲儀同三事無先
開府之尊冠聳四梁愈見上公之貴琢蒼玉為爾珮
飾豐貂為爾冠用報好音且彰柔遠爾其仰宣朝命
下慰州民泛濟水為恩波逕同在藻指家山於緱嶺
免詠式微永為屬國之賓無闕外臣之禮可授開府
儀同三司簡較太尉依前使持節玄菟州諸軍事行

玄菟州都督克大義軍使高麗國王勲如故

恭帝以顯德六年即位加高麗國王王招簡較太師

食邑三千戶

西極文淵風訂注
豫章黃國琦較釋

外臣部 十一

繼襲

小雅著似續之訓春秋有世及之義蓋所以象賢濟
美克承基緒者也雖復要荒之外戎蠻之國亦乃崇
樹世嫡襲其位世傳國延亦在承久其間知人如
册府元龜 外臣部 卷之九百六十五 十九

此賦五難 任日級命及本神德之族炳靈分象符之
指為仁自契於太平既觀跡已述職同殊於商夏來
奉克瘳朕嗣守法圖方崇王進禮樂征伐之柄盡出
朕躬山河帶礪之盟以傳不朽但遵聲教豈限遐遙
俾光壽土之封更假於天之寵於戲儀同三事無先
開府之尊冠蓋以榮愈見上公之貴珠蒼玉為前珮
飾豐貂為爾冠用垂好音正彰柔遠爾其仰宣朝命
貪身三卜元濟水為恩在漢指家山於嶽嶽
恭帝以醜齡六甲惟立成高麗國王玉册蘭拜太爾
支黃世祿皆京大業軍封高麗國王燦收地軍事行

冊府元龜

淮南李嗣宗參閱

西極文翔鳳訂正

豫章黃國琦較釋

外臣部 十一

繼襲

小雅著似續之訓春秋有世及之義蓋所以象賢濟
美克承基緒者也雖復要荒之外戎蠻之國亦乃崇
樹世嫡襲其位號傳國延祚享年永久其間知人如
宋宣讓國如魯隱愛才如吳謁得位如晉文雖曰夷

狄有足稱者自餘女子爲後疆臣逆取是不一姓何嘗之有系而言之亦所以紀其興滅之迹矣

東夷朝鮮自武王封箕子其後四十餘年至朝鮮侯準自稱王漢初燕人衛滿擊破準而自王朝鮮傳國至孫右渠

高句麗漢初其王高朱蒙死子如栗立如栗死子莫來立漢武既滅朝鮮以高句麗爲縣王莽更名下句麗侯後漢建武八年遣使朝貢光武復其王號裔孫宮建光元年死子遂成立遂成死子伯固立伯固死有二子長子拔奇小子伊夷模拔奇不肖國人便立

伊夷模爲王伊夷模死子位宮立始位宮曾祖宮生而目開能視國人惡之及長凶虐國以殘破及位宮亦生而視人高麗呼相似爲位以爲似其曾祖宮故名位宮其後位宮玄孫乙弗利立乙弗利死子釗立釗爲百濟所殺至後魏大武時釗曾孫璉遣詣安東奉表貢方物封璉爲遼東郡公高句麗王太和十五年璉死年百餘歲孫雲立神龜中雲死世子安立安死子延立延死子成立成死子湯立周武帝封湯爲遼東王隋高祖改封高麗王湯死子元嗣唐高祖武德二年元弟建武遣使朝貢貞觀十六年西部大人

蓋蘇文殺建武立其弟大陽子藏爲王十七年太宗封藏爲遼東郡王儀鳳中改朝鮮王永淳初藏卒垂拱二年封藏孫寶元爲朝鮮郡王聖曆元年改爲忠誠國王後唐同光天成中其王姓高長興三年其王曰王建晉開運二年建卒子武嗣漢乾祐末武卒子昭立

百濟晉義熙十二年封其王餘映爲百濟王宋元嘉七年其王餘毘復脩職貢以映爵號授之毘死子慶代立慶死子牟都立牟都死子牟大立梁普通二年其王餘隆遣使朝貢五年隆死子明襲其王號北齊

武平元年以其王餘昌爲百濟王隋開皇中昌死子瑋立唐高祖武德七年册爲帶方郡王百濟王貞觀十五年瑋卒子慈義遣使告哀太宗册義慈襲其王號顯慶五年左衛大將軍蘇定方大破其國虜義慈及太子隆送於京師龍朔元年百濟僧道琛舊將福信遣使往倭國迎故王子扶餘豐立爲王高宗命帶方州刺史劉軌討之詔以扶餘隆爲熊津都督遣還本國儀鳳二年封帶方郡王其百濟本地漸爲新羅所據隆不敢還遂卒則天以其孫敬襲封帶方郡王新羅王本百濟人自海逃入新羅遂王其國傳世三

十至金真平隋開皇十四年封樂浪郡公新羅王唐
貞觀五年真平卒無子立其女善德爲王襲樂浪郡
公新羅王號二十一年善德卒立其妹真德爲王永
徽五年真德卒弟相國金春秋嗣龍朔元年春秋卒
詔其子太府卿法敏嗣開耀元年法敏卒其子政明
嗣天授三年政明卒其子理洪嗣長安二年理洪卒
立其弟興光爲新羅王開元二十五年興光卒其子
承慶襲天寶二年承慶卒其子憲英襲大曆二年憲
英卒其子乾運襲建中四年乾運卒無子國人立其
上相金良相爲王貞元元年良相卒立上相敬信爲

王襲其官爵敬信卽良相從兄弟也十四年敬信卒
其子先亡國人立敬信嫡孫俊邕爲王十六年俊邕
卒其子重興立元和七年重興卒立其相金彥昇爲
王太和五年彥昇卒其子景徽嗣後唐同光元年其
王金朴英長興四年權知國事金溥並遣使朝貢倭
國後漢光和中女王名卑彌呼魏正始中卑彌呼
死更立男王國中不服更相誅殺復立卑彌呼宗女
臺與爲王其後復立男王並受中國爵命晉安帝時
倭王贊死弟彌立彌死子濟立宋元嘉二十年齊死
世子興立興死弟武立隋開皇二十年其王姓何每

宇多利思比孤號河輩雞彌遣使朝貢

南越王趙佗漢高帝十一年立為南越王建元四年

佗卒孫胡為南越王胡薨太子嬰齊立先是嬰齊入

宿衛在長安時取邯鄲穆氏女子生興及即位上書

請立穆氏女為后興為嗣及嬰齊薨太子興代自尉

佗王凡五世九十三歲而亡

閩越王無諸漢高帝五年立為閩越王王閩中故地

建元六年其王郢擊南越為其弟餘善所殺詔立無

諸孫繇君丑為越繇王奉閩越先祭祀餘善已殺郢

威行於國國人多屬竊自立為王繇王不能矯其家

持正天子聞之立餘善為東越王與繇王並處

元封元年

為漢所滅

東海王搖漢惠帝三年立為東海王都東甌世從號

為東甌王後數世為閩越所滅

林邑國漢末象林縣功曹姓區有子連殺令自立為

王子孫相承其後王無嗣外孫范熊代立熊死子逸

立南齊時夷人范當根篡奪林邑自立為王後林邑

王范陽邁子孫范諸農率種人攻當根純復得本國

梁天監九年其王范元凱立十三年病死弼毳跋摩

立唐武德六年其王曰范志貞觀四年其王曰范頭

黎並遣使朝貢頭黎死子范真龍代立真龍爲國人
所殺乃立頭黎女婿婆羅門爲王真後大臣及國人
感思舊王乃廢婆羅門而立頭黎之嫡女爲王一說
永徽總章中其王曰鉢迦舍跋摩先天開元中其王
建多達摩天寶中其王盧陀羅並遣使朝貢至德後
改稱環王國不以林邑爲號永泰元年林邑王諸農
入朝海中遭風溺死代宗以其子文欵爲假節都督
緣海軍事安南將軍林邑王
赤土國其王姓瞿曇氏名利富多塞稱其父釋王位
出家爲道傳位于利富多塞

朱江國其王姓刹氏名質多斯那自其祖漸已強盛
至質多斯那遂兼扶南而有之質多斯那死子伊奢
那先代立

西南夷東謝蠻其首領謝元深世爲酋長唐貞觀二
年元深與南謝首領謝強來貢貞元十三年西南蕃
大酋長繼襲蠻州刺史宋鼎左右大首領仰州刺史
謝汕隨牂柯朝貢

西趙蠻首領趙氏世爲酋長唐貞觀三年以其地置
明州首領趙磨爲刺史
牂柯蠻首領謝龍羽唐武德三年授牂州刺史封夜

册形元 繼襲
郎公開元十年大酋謝元齊死詔立其孫嘉藝襲其
官封二十五年大酋長趙君道來朝貢貞元七年授
其酋長趙主俗官

南詔王姓蒙氏唐初有蒙舍龍生迦獨龍迦獨生細
奴羅高宗時來朝細奴邏生邏盛則天時來朝開元
初邏盛死子盛還皮立盛還皮死子皮邏閣立玄宗
封越國公賜名歸義其後破洱河蠻以功册授雲南
王天寶七載歸義卒詔立子閣羅鳳襲雲南王大曆
十四年閣羅鳳死子迦異先死乃立迦異子是爲異
牟尋元和三年異牟尋死册其子驃信箕蒙閣勸爲

南詔其後有龍牟盛蒙筦顛皆爲南詔

西羌無弋爰劔者秦厲公時諸羌推以爲豪其後世
世爲豪從爰劔種五世至研研最豪健自後以研爲
種號十三世至燒當復豪健其子孫更以燒當爲種
號自燒當至玄孫滇良世居河北大允谷滇良死子
滇吾立滇吾降漢子東吾立乃入居塞內

氏者四夷之別種後漢建安中有楊騰者爲部落大
帥徙居仇池地方百頃因以爲號魏拜爲百頃王至
其孫名飛龍無子養外甥令狐茂搜爲子晉元康中
羣氏推以爲主愍帝以爲驃騎將軍封左賢王茂搜

死子難敵統位自號左賢王屯下辨弟堅頭分部曲
號右賢王屯河池難敵死子毅立自號左賢王下辨
公以堅頭子盤爲右賢王河池公毅族兄初襲殺毅
并有其衆自立爲仇池公永和十年改封初爲天水
公十一年初爲小弟宋奴所殺初子國誅宋奴復自
立爲仇池公十二年國從叔俊復殺國自立國子安
奢符生殺俊稱藩於晉及死子世自立爲仇池公太
和三年以世爲秦州刺史弟統爲武都太守世死統
廢世子纂自立纂黨襲殺統自立爲仇池公遣使詣
關簡文帝以纂爲秦州刺史咸安元年符堅遣楊安

伐纂尅之徙其人於關中空百頃之地先是宋奴之
死二子佛奴佛狗逃奔苻堅堅以女妻佛奴子定拜
爲尚書領軍堅之敗定奔隴右徙居歷城招夷夏千
餘家自稱龍驤將軍仇池公稱藩於晉孝武以爲秦
州刺史後魏登國四年遂有秦州之地號隴西王後
爲乞伏乾歸所殺無子狗奴子盛先爲監國守仇池
公統事自號征西將軍秦州刺史仇池公謚定爲武
王天興初以盛爲征南大將軍仇池公盛死私謚曰
惠文王子玄統位始光四年拜玄爲征南大將軍督
梁州刺史南秦王玄死私謚孝昭王子俱宗統位初

玄臨終謂弟難當日今境候未寧方須撫慰保宗冲
昧吾授卿國事其無墜先勲難當固辭請立保宗以
輔之保宗既立難當妻姚氏謂難當曰國險宜立長
君返事孺子非久計難當從之廢保宗而自立太武
拜難當爲征南大將軍秦梁二州刺史南秦王難當
爲宋將裴方明所敗棄仇池奔上邽太武遣中山王
辰迎之方明既尅仇池以保宗弟保熾守之河間公
齊擊走之氐羗立保宗弟文德屯于濁水太武遣中
山王辰迎之文成時拜難當營州刺史卒謚曰忠和
子小眼襲爵例降爲公拜天水太守卒子公熾襲爵

初宋將裴方明既尅仇池以保宗弟保熾守之尋爲
後魏河間公齊擊走氐羗立保宗弟文德屯於濁水
又爲皮豹子所擊保宗之執也子元和奔宋以爲武
都白水太守元和據城歸順文成嘉之拜征南大將
軍武都王內徙京師元和從叔僧嗣復自稱武都王
於葭蘆僧嗣死從弟文度自立爲武興王孝文初征
西將軍皮歡喜攻葭蘆破之文度弟鼠自立爲武興
王奉表謝罪孝文拜鼠都督南秦州刺史征西將軍
西戎較尉武都王鼠死從子後起統位孝文復以鼠
爵授之後起死以鼠子集復爲武興王集死子紹先

立紹先年幼委事二叔集起集義後爲建武將軍傅
豎眼所破執紹先送京師遂滅其國魏末天下亂紹
先奔還武興復自立爲王紹先死子碎邪立周太祖
討平之乃以大將軍宇文貴爲都督興州刺史
宕昌羗後魏時有梁勲者世爲酋帥得羗豪心乃自
稱王焉勲孫彌念太武初遣子彌黃奉表求內附拜
爲宕昌王彌念死孫彪子立彪子死彌治立彌治死
子彌機立

東女國本西羗之別種俗以女爲王號爲賓就唐武
德中其王湯滂氏垂拱二年其王歛臂天授三年其
王俄琰兒爾並遣使朝貢天寶元年封其王趙曳夫
爲歸昌王是後以男子爲王貞元九年其王湯立憲
內附授歸化州刺史

吐蕃本西羗之種國人號其王爲贊普唐永徽元年
贊普寶王不夜弄讚薨弄讚子早死其嗣孫立復號
贊普年幼國事皆委於其相祿東贊祿東贊死其子
欽陵復專其國儀鳳四年不夜弄讚卒嫡子噶弩悉
弄卽大臣麴薩苦之甥也先與薩苦往年同徵發兵
馬聞喪歸國繼位爲贊普時年八歲其弟年六歲時
在欽陵之軍國人以欽陵彊盛又欽奉之爲主欽陵

迫於大義竟與薩苦協心器弩悉弄位始定神龍元年器弩悉弄卒諸子爭立久之國人立其子棄隸隋贊爲贊普時年七歲天寶十、四載贊普乞黎蘇籠臚贊死大臣立其子娑悉籠臚贊爲贊普貞元十三年卒長子立一歲卒元和十二年會昌二年皆以贊普卒來告

西域罽賓國漢武帝時其王烏頭勞死子代立遣使奉獻唐顯慶三年遣使朝貢訪其國俗云王始祖馨孽今日曷擯之父子傳位已十二代其年列其誠爲脩鮮府龍朔初授其王都督十一州諸軍事開元七

年册其王爲葛邏達支特勒二十七年其王烏散特勒上以年老上表請嫡子拂森剌娑嗣位許之天寶四載又册其子勃匄准爲罽賓及烏菴國王仍授右驍衛將軍

烏孫漢武帝時其昆莫有十餘子中子大祿彊善將將衆萬餘騎別居大祿兄太子太子有子曰岑陁太子蚤死謂昆莫曰必以岑陁爲太子昆莫哀許之大祿怒乃收其昆弟將衆畔謀攻岑陁昆莫與岑陁萬餘騎令別居昆莫亦自有萬餘騎以自備國分爲三大總羈屬昆莫後尚江都公主昆莫年老欲使岑陁

尚公主公主不聽天子令從其風俗岑陬遂妻公主
昆莫死岑陬代立岑陬者官號也各軍須靡昆莫王
號也各獵驕靡後昆彌亡岑陬胡婦子泥靡尚小岑
陬且死以國與季父大祿子翁歸靡曰泥靡大以國
歸之翁歸靡既立號肥王復尚楚王鮮憂生三男兩
女元康二年上書願以漢外孫元貴靡為嗣得令復
尚漢公主乃以鮮憂弟相夫為公主遣之未出塞聞
翁歸靡死貴人共從本約立岑陬小子泥靡代為昆
彌號狂王其後為翁歸靡胡婦人烏就屠所殺烏就
屠自立為昆彌詔立元貴靡為大昆彌烏就屠為小

昆彌元貴靡死子星靡代為大昆彌昆彌死子烏就
靡代小昆彌烏就屠死子拊離代立拊離為弟日貳
所殺漢遣使者立拊離子安日為小昆彌後為降民
所殺漢立其弟未振將代未振將恐為大昆彌雌離
靡所并使貴人烏日領詐降刺殺之漢立雌栗靡季
父公主孫伊秩靡為大昆彌漢沒入小昆彌侍子在
京師者父之大昆彌翎侯難柘殺未振將以其兄安
日子安黎靡代為小昆靡是歲元延二年也
拘彌國後漢永建四年其王為于闐王放前所殺自
立其子為拘彌王陽嘉元年燉煌太守徐繇遣疏勒

王擊破于闐更立興宗人成國爲拘彌王熹平四年于闐王安國攻拘彌殺其王戊巳較尉西域長史各發兵輔立拘彌侍子定興爲王

于闐國後漢永平中其王休莫霸死兄子廣德立永建六年其王放前遣侍子貢獻

大月氏國漢時貴霜翎侯丘就卻自立爲王國號貴霜丘就卻年八十歲餘死子闐膏珍代爲王

莎車國漢宣帝時烏孫公主小子萬年莎車王愛之莎車王無子死死時萬年在漢莎車國人計欲自託于漢又欲得烏孫心乃上書請萬年爲王萬年既立

暴惡國人不說莎車王弟呼屠徵殺萬年自立漢烈侯馮奉世發兵擊殺之更立它昆弟子爲莎車王至元帝時其王延嘗爲侍子長於京師王莽天鳳五年延死謚忠武王子康代立後漢建武九年康死謚宣成王弟賢代立賢爲于闐王廣德所虜匈奴遣兵將賢質子不居徵立爲莎車王廣德又攻殺之更立其弟齊黎爲王章帝元和三年降漢

疏勒國後漢永平十六年龜茲王建殺疏勒王成自以龜茲左侯兜題爲疏勒王是年漢遣軍司馬班超劫縛兜題而立成之兄子忠爲疏勒王元初中其王

曰安國以舅臣磐有罪徙于月氏後安國死無子母持國政與國人共立臣磐同產弟子遣復爲疏勒王臣磐聞之請月氏王曰安國無子種人微弱若立母氏我乃遣復叔父也我當爲王月氏遣兵送還疏勒國人素敬愛臣磐又畏憚月氏卽共奪遣復印綬迎臣磐立爲王至靈帝建寧元年疏勒王爲其季和得所射殺和得自立爲王

龜茲國漢時其王絳賓以烏孫公主爲夫人絳賓死六子承德自謂漢外孫成帝時往來屯數隋大業中其王姓白氏曰蘇尼陞唐武德初其王蘇伐勃駛並遣使來朝勃駛卒子蘇代豐代立號特健莫賀侯利發豐死其弟訶黎布失畢代立貞觀末呵史那社爾伐龜茲二其王遠於京師立其弟葉護爲王永徽七年又以訶黎布失畢爲右驍衛大將軍尋放還蕃撫其餘衆依舊爲龜茲王顯慶二年立其王嗣子白素稽爲龜茲王授右驍衛大將軍仍遣使就加册命開元七年其王白漢苾卒以其嫡子孝節襲位車師都尉國漢時其王太子曰軍宿旬奴欲以爲質軍宿焉耆外孫不欲質旬奴亡走馬耆車師王更立子烏貴爲太子後爲車師王爲子二所擊亡走烏孫

烏孫留不遣使上書願留其車師王備國有急可從
西道以擊匈奴漢許之於是漢召故車師太子軍宿
在焉耆者立以爲王

高車國者漢車師前王之庭也後魏時蠕蠕立闕伯
周爲高昌王太和初伯周死子義成立爲從兄首歸
所殺首歸自立爲高昌王五年爲高車王阿伏至羅
所殺以燉煌人張孟明爲王爲國人所殺更以馬儒
爲王以鞏顧翹嘉二人爲左右長史儒又通使後魏
詰內屬人皆戀土不願東遷相與殺儒立嘉爲王延
臣中以嘉爲持節平西大將軍瓜州刺史泰品縣開

國伯嘉死子堅立堅死子伯雅立唐武德二年伯雅
死子文泰嗣貞觀十四年稱疾不朝太宗命吏部尚
書侯君集征之泰死子智盛嗣立君集遂拔其城置
安西都護府

焉耆國隋大業中其王姓龍名突騎支唐貞觀十四
年安西都護郭孝恪發兵擊之虜突騎支獻於雒陽
太守赦其罪留於京師其國乃立薩婆阿那支號爲
瞎于阿史那社爾之討龜茲也阿那支率兵龜茲共
禦大軍杜爾擒而斬之立龍婆伽利爲王卽突騎弟
也永徽三年龍婆伽利死其國人請立前王龍騎支

爲王高宗許之加授右武衛將軍令還本蕃開元七年其王龍嬾突薨以其馬吐拂延襲位

波斯國其王初嗣位便密選諸子才堪承統者各字封而藏之王死後大臣與王之羣子共發封而視之奉所書名爲王唐觀二十一年其王伊嗣俟龍朔元年其國王卑路斯並遣使朝貢高宗列其地疾陵城爲波斯都督府授卑路斯爲都督

大食國隋大業中其王名噉蜜莫末賦自云有國已四十四年歷三王矣一說隋開皇中大食族中有孤列種代爲酋長孤列有二姓一號益尼奚浮一號益

尼末換後有摩訶末者勇健多智衆立之爲王摩訶末後十四代至末換殺其兄爲部人所殺遂求得奚浮種阿蒲羅拔立之阿蒲羅拔卒立其弟阿蒲恭拂恭拂卒子迷地立迷地卒子牟栖立牟栖卒弟論立是歲貞觀二年也

石國唐顯慶三年列其地爲大宛府以其王噉吐屯攝舍提於屈昭穆爲都督開元初封其王莫賀咄吐屯爲石國王九年其王曰伊吐屯屈勒天寶五載封其王子那偈車鼻施爲懷化王

吐火羅國唐永徽三年列其地爲月氏府以其葉護

阿史那烏濕波爲都督開元七年其葉護曰支汗那十七年册其首領骨咄祿頓達度爲葉護天寶八載其葉護失里忙伽羅並遣使朝賀

康國本康居之苗裔唐武德七年其王曰屋本支顯慶三年其王曰拂呼髮是年高宗列其地爲康居府以拂呼髮爲都督入歲通天元年則天封其大首領篤婆鉢提爲王鉢提尋卒又册立其子泥濕師師爲王泥濕師師卒册立其子突昏爲王開元十九年其王烏勒卒上表請封其子咄曷爲曹國王許之二十七年烏勒卒遣使册咄曷襲其父位

史國唐顯慶三年列其所治爲佉汝州以其王昭武失阿曷爲刺史開元十五年其王曰阿忽必多延屯二十七年卒册立其子阿忽鉢爲王二十九年其王斯謹提立

册府元龜

册府元龜

外臣部

卷之八百六十六

册府元龜 繼襲

卷之九百六十七

册府元龜

淮南李嗣京叅閱

西極文翔鳳訂正

豫章黃國琦較釋

外臣部 十二

繼襲第二

西北吐谷渾本鮮卑徒河涉歸之子涉歸晉時封昌黎公死子若落鹿化統部落而庶長吐谷渾西附陰山吐谷渾死長子吐延嗣吐延性酷刻暴為昂城羗酋姜聰所刺劍猶在體呼子葉延語其大將絕拔渥

册府元龜 外臣部

卷之九百六十七

曰吾氣絕棺斂訖便速去保白蘭白蘭地說險遠又
土俗懦弱易控禦葉延小付汝汝竭股肱之力以輔
之傳子得立吾無恨矣抽劍而死葉延立乃以王父
字爲氏亦以爲國號葉延死子碎奚立性淳謹三弟
專權碎奚不能制諸大將共誅之碎奚憂哀不復攝
事遂立子視連爲世子委之事號曰莫賀郎華言父
也視連立十五年死弟視罷立視罷死子樹維干並
幼弟烏紇提立烏紇提死樹維干立自號車騎將軍
是歲晉義熙初也樹維干死弟阿豺立自號驃騎將
軍沙州刺史宋少帝封爲澆河公阿豺臨死召諸子

弟告之曰先公車騎捨其子虔以大業屬吾吾豈敢
忘先公之舉而私於緯代其以慕瓚繼事阿豺有子
二十人又謂之曰汝等各奉吾一隻箭將玩之地下
俄而命母弟慕利延曰汝取一隻箭折之慕延折之
又曰汝取十九隻箭折之慕延不能折阿豺曰汝曹
知乎卑者易折衆則難摧戮力一心然後社稷可固
言終而死宋文帝又授慕瓚爲隴西公後魏大武遣
使册拜慕瓚爲大將軍西秦王大延二年慕瓚死弟
慕利延立改封西平王慕利延死樹維子拾寅立始
邑於伏羅川後拜爲西平王太和五年拾寅死子易

侯立易侯死子伏連籌立封爲吐谷渾王伏連籌死子夸呂立始自號爲可汗居伏侯城夸呂在位百年餘卒子世伏嗣世伏爲國人所殺立其弟伏允爲主爲隋所擊客于党項大業末天下亂伏允復其故地唐貞觀九年詔特進李靖討破之伏允自縊而死國人乃立其嫡子太寧王順爲可汗稱臣內附太宗封順爲西平郡王仍授趙胡呂烏其豆可汗順立未幾爲臣下所殺其子燕王諾易鉢嗣立封爲河源郡王仍授烏地也拔勒豆可汗其後吐谷渾爲吐蕃所得諾易鉢徙其部衆于靈州之地置安樂州以諾易鉢

爲刺史垂拱四年卒子忠嗣忠卒子宣趙嗣聖曆三年襲父烏地也拔勒豆可汗宣趙卒子希皓嗣希皓卒子兆嗣及吐蕃陷安樂州其部衆又東徙散在朔方河東之境貞元十四年以朔方軍節度副使慕容復爲襲長樂州都督清海國王烏地也拔勒豆可汗未幾卒其封遂絕唐末有首領赫連鐸拓拔思恭後唐有白承福念公山薛糞堆各有部族北狄匈奴秦始皇時單于曰頭曼有太子名曰冒頓代爲單于漢文帝時冒頓死子稽粥立號曰老上單于後四年老上單于死子軍臣單于立元朝中軍臣

單于死其地左谷蠡王伊犀斜自立爲單于攻敗軍臣單于太子於單於單亡降漢漢封於單爲陟安侯伊犀斜單于立十三年死子烏維立爲單于是歲元閏三年也烏維單于立十歲死子詹師廬立年少號爲兒單于是歲元封六年也兒單于立三歲而死子少匈奴乃立其季父烏維單于弟右賢王句黎湖爲單于是歲太初三年也其冬病歿其弟左大將都督且鞮侯立爲單于且鞮侯單于立五年死長子左賢王立爲狐鹿姑單于是歲太始元年也初且鞮侯兩子長爲右賢王次爲左大將病且死言立右賢王右

賢王未至貴人以爲有病更立左大將爲單于右賢王聞之不敢進左大將使人召右賢王而讓位焉右賢王辭以病左大將不聽謂曰卽不幸死傳之與我右賢王許之遂立爲狐鹿姑單于狐鹿姑單于立以左大將爲右賢王數年病死其子先賢禪不得代更以爲日逐王日逐王者賤于右賢王單于自以其子爲右賢王狐鹿姑單于有異母弟爲左大都督賢國人鄉之母關氏恐單于不立子而立左大都尉也乃私使殺之左大都尉同母兄死遂不肯復會單于庭又單于病且死謂諸貴人我子少不能治國立弟左

谷蠡王及單于死衛律等與顛渠闕氏謀匿單于死詐橋單于令與貴人歆盟更立子左谷蠡王爲壺衍鞬單于是歲始元二年也壺衍鞬單于立十七年死弟左賢王立爲虛問權渠單于是歲地節三年也虛問權渠單于立九年死顛渠闕氏與其弟右大且渠都隆奇謀立右賢王屠耆堂爲握衍胸鞬單于握衍胸鞬立二歲暴虐殺伐國中不附其明年姑夕劬王與烏禪慕及左地貴人共立稽侯獬爲呼韓邪單于發左地兵四五萬人西擊握衍胸鞬單于兵敗自殺呼韓邪立二十八年建始二年死呼韓邪嬖左伊秩

訾兄呼衍王女二人長女顛生二子曰且莫車次曰囊知牙斯少女爲大闕氏生四子長曰雕陶莫臯次曰且糜昏皆長於且莫車二人皆小於囊知牙斯顛渠闕氏貴且莫車愛呼韓邪病且死欲立且莫車其母顛渠闕氏曰匈奴亂十餘年不絕如髮賴蒙漢力故得復安今平定未久人民創艾戰鬪且莫車年少百姓未附恐復危國我與大闕氏一家共子不如立雕陶莫臯大闕氏曰且莫車雖少大臣共持國事今舍貴立賤後世必亂單于卒從顛渠闕氏計立雕陶莫臯約令傳國與弟呼韓邪死雕陶莫臯立爲復象

株若鞮單于復索株立十歲鴻嘉元年死弟且靡胥立為搜詣若鞮單于以且莫車為左賢王搜詣立八年元延二年死弟且莫車立為車牙若鞮單于車牙立四歲綏和元年死弟囊知牙斯立為烏珠留若鞮單于烏珠留立二十一歲王莽建國五年死匈奴用事大臣右骨都侯須卜當郎王昭君女伊墨居次云之婿也云嘗欲與中國和親又素與粟置支侯咸厚善見咸前後為莽所拜故遂越輿而立咸為烏累若鞮單于烏累單于咸立以弟輿為左谷蠡王烏累若鞮單于立五歲天鳳五年死弟左賢王輿立為呼都

而尸道臯若鞮單于後漢建武二十二年單于輿死子左賢王烏達鞮候立為單于後死弟左賢王蒲奴立為單于

南匈奴醯落尸逐鞮單于比者呼韓邪單于之孫烏珠留若鞮單于之子自呼韓邪後諸子以次立至比季父單于輿時比為右翼鞮日逐王部領南邊及烏桓後漢建武二十二年單于輿死比密遣人郭衡奉匈奴地二十三年詣西河太守求內附二十四年春八部大人共議立比為呼韓邪單于以其大父嘗依漢得安故欲襲其號單于比立九年薨弟左賢王莫

立是爲丘浮尤鞮單于莫中元元年立一年薨弟汗
立是爲伊伐於慮鞮單于汗中元二年立二年薨單
于比之子適立是爲醯僮尸逐侯鞮單于適永平二
年立四年薨單于莫子蘇立是爲丘除車林鞮單于
數日薨單于適之弟長立爲湖邪尸逐侯鞮單于長
永平六年立二十二年薨單于汗之子宣立是爲伊
屠於閭鞮單于宣元和二年薨單于長之弟屯屠何
立是爲休蘭尸逐侯鞮單于屯屠何章和二年立六
年薨單于宣弟安國立安國初爲左賢王無稱譽是
以中國盡敬左谷蠡王師子而不附安國立二年爲

舅骨都侯喜爲等所殺立單于適之子師子是爲亭
獨尸逐侯鞮單于師子永元六年立四年薨單于長
之子檀立是爲萬民尸逐鞮單于檀永元十年立二
十七年薨弟牧立是爲烏稽侯尸逐鞮單于拔延光
三年立四年薨弟休利立是爲去特若尸逐就單于
休利永建三年立十三年爲中郎將陳龜逼迫之自
殺時呼蘭若尸逐就單于兜樓儲先在京師漢安二
年立之遣行中郎將持節護送單于歸南庭兜樓儲
立五年薨伊陵尸逐就單于居車兒建和元年立二
十五年薨子某立是爲屠特若尸逐就單于某熹平

元年立六年薨子呼微立呼微光和元年立二年中郎將張脩與單于不相能脩擅斬之更立右賢王羗渠爲單于羗渠光和元年立十年爲國人所殺子右賢王於扶羅立是爲持至尸逐侯單于於扶羅中平五年立七年死弟呼厨泉立建安二十一年來朝魏太祖因留於鄴遣右賢王去卑歸監其國

烏桓後漢靈帝初遼西有丘力居者衆五千餘落自稱王獻帝初平中丘力居死子樓班年小從子蹋頓有武畧代立總攝三王部衆皆從其號令其後上谷王難樓遼東峭王蘇僕延率其部衆奉樓班爲單于

鮮卑後漢建武末封大人於仇賁爲玉蒲頭爲侯永初中賜大人燕蒸陽王印綬不詳其子孫繼襲至桓帝時有檀石槐者勇健有智畧部落推爲大人東西部大人皆歸焉光和中檀石槐死子和連代立靈帝末年數爲寇鈇攻北地北地庶人善弩射中和連和連即死其子騫曼年小兄子魁頭既立後騫曼長大與魁頭爭國衆遂離散魁頭死弟步度根代立後爲大人軻比能所殺魏文帝封軻比能爲附義王比能死立其弟素利彌加爲歸義王大和二年素利死子小以弟成律歸爲王代攝其衆北突厥者匈奴之別

種後魏時號土門部落魏末有伊利可汗伊利卒弟阿逸可汗立阿逸病且卒捨其子攝圖立其弟侯斤是爲木杆可汗在位二十年卒復捨其子事邏便而立其弟是爲他鉢可汗他鉢以攝圖爲爾伏可汗統其東面又以其弟禱但可汗子爲安難可汗居西方他鉢在位十年病且卒謂其子菴羅曰吾聞親莫過父子吾兄不親其子委位與我我死汝當避大邏便也及他鉢卒國中將立大邏便以其母賤衆不服菴邏母貴突厥素重之攝圖最後至謂國中曰若立菴邏者我當率兄弟以事之如立大邏便我必守境利

刃長矛以相待矣攝圖長而且雄國人皆憚莫敢拒者竟立菴邏爲嗣大邏便不得立心不服菴邏每遣人詈辱之菴邏不能制因以國讓攝圖國中相與議曰四可汗之子攝圖最賢因迎立之號伊利俱盧設始波莫荷可汗一號沙鉢略治都斤山菴邏降居獨維水稱第二可汗隋開皇中卒攝圖以其子雍虞閭性慚遣令立其弟葉護處羅侯壅虞閭遣使迎處羅侯將立之處羅侯曰我突厥自木杆可汗以來多以弟代兄以庶奪嫡夫先祖之法不相敬畏汝當嗣位我不憚拜汝也壅虞閭又遣使謂處羅侯曰叔與我

父共根連體我是枝葉寧有我作王令根本反同枝
葉令叔父之尊下我卑稚又亡父之命其可廢乎願
叔勿疑相讓者五六處羅侯竟立是爲葉護可汗以
壅虞間爲葉護遣使上表言狀隋高祖賜之鼓吹幡
旗後虞羅侯西征阿波中流矢而卒其衆奉壅虞間
爲主是爲頡伽施多多那都藍可汗都藍開皇末爲
麾下所殺是時沙鉢于染干號突利可汗尚義成公
主拜染干爲竟利珎豆啓民可汗華言意智健也於
朔方築大利城以居之大葉十年啓民朝於東都是
歲疾終煬帝爲之廢朝三日立其子咄吉世是爲始

畢可汗唐武德二年卒其子什鉢苾以年幼不堪嗣
位立爲泥岷設使居東偏直幽州之北立其弟俟利
勿設是爲處羅可汗尚義成公主三年處羅死義成
公主以其子與射設醜弱廢不立之遂立處羅之弟
咄苾是爲頡利可汗頡利以始畢之子什鉢苾爲突
利可汗頡利貞觀四年寇邊爲行軍副總管張寶相
所擒送於京師突利來奔乃封爲北平王拜順州都
督遣帥部衆還蕃五年徵入朝至并州道病卒子賀
邏鶻嗣

西突厥者木杆可汗之子大邏便也與沙鉢魯有隙

因分爲二大邏便爲處羅侯所執其國立鞅素特勒之子是爲泥利可汗泥利卒子達漫立號泥撥處羅可汗隋大業中從煬帝征高麗賜號爲昌薩那可汗唐武德中來奔爲北突厥使人所殺初薩那之朝隋也國人立薩那之叔父曰射匱可汗射匱卒弟統葉護可汗代立統葉護爲其伯父所殺而自立是爲莫賀咄侯突屈利俟毗可汗俟毗先分統突厥種顛爲小可汗及此自稱大可汗國人不附弩失畢部共推泥孰莫賀設爲可汗泥孰不從時統葉護之子啞力特勤亡在康居遂迎立之是爲乙毗沙鉢邏肆葉護

可汗泥孰遂適焉耆肆葉護卒國人迎泥孰於焉耆而立之是爲咄陸可汗泥孰卒其弟同娥設立是爲沙鉢羅啞利失可汗啞利失爲其統吐屯所襲國人欲立谷設爲乙毗咄陸可汗啞利失奔鏗汗而死弩失畢部落酋帥迎其弟伽那之子薄布特勒立之是爲乙毗沙鉢邏葉護可汗唐貞觀十五年咄陸可汗爲部下所廢遣使詣闕請立可汗太宗遣使齎璽書立莫賀乙毗可汗之子是爲乙毗射匱可汗尋爲葉護阿史那賀魯所併顯慶二年旣平賀魯三年詔置昆陵濠池二都督府乃置阿史那彌射爲興昔可汗

兼崑陵都護阿史那忠為繼往絕可汗兼蒙池都護乾封二年二可汗既死餘衆附于吐蕃調露元年以碎葉龜茲于闐疏勒為四鎮垂拱元年以忠真子左王鈐衛將軍阿史元慶襲其父興昔亡可汗二年以彌射子右王鈐衛將軍阿史那斛瑟羅繼父往絕可汗聖曆中突騎施首領盟祿州都督烏質勒移衙於碎葉則天授以瑤池都督神龍中烏質勒死子婆葛代立仍封金河郡王俄為默啜所殺其部將蘇祿鳩衆至二十萬自立為可汗開元十三年詔冊蘇祿為忠順可汗二十六年為莫賀咄達于所殺其別

部都摩友立蘇祿之子吐火仙為可汗二十九年以斛瑟羅之孫懷道之子斯為可汗遣之天寶元年斯至碎葉西南俱蘭城為莫賀咄所殺詔立其酋長為伊地米里骨咄祿毗伽可汗十三年又別冊黑姓種伊羅密施為骨咄祿毗伽突騎施可汗自至德年後部落衰弱分為二部各立可汗旋又篡奪因而分散鐵勒木匈奴別種隋初屬西突厥大業中部分人共推契苾哥楞為易胡貞莫賀可汗又以薛延陀乙失鉢為也啞小可汗其後西突厥匱可汗強盛延陀契苾二部並去可汗之號以臣之唐貞觀二年乙失鉢之

孫夷男帥其屬攻頡利可汗大破之頡利北諸姓多
 叛頡利歸于夷南共推為主太宗拜夷男為貞珠毗
 伽可汗夷男卒少子肆葉護襲位是為頡利俱利薛
 婆多彌可汗其下不附太宗使江夏王道宗討平之
 列為州縣其後薛延陀西道之衆共推夷男子啞摩
 友為伊特勿失可汗二十二年契苾迴紇等十餘部
 落歸國太宗因其土地置為州府拜其酋長為都督
 刺史

迴紇本匈奴之裔唐初有時健候斤死子菩薩部落
 以為賢而立之貞觀二十年太宗以其部為瀚海府

拜其俟利發吐迷度為都督時吐迷度已自稱可汗
 二十二年吐迷度為其姪烏紇所殺其子婆閏立顯
 慶中累加左衛大將軍兼瀚海都督龍朔中婆閏死
 姪比粟毒王領迴紇永隆中獨解支證聖中伏帝匄
 開元中承宗伏帝難皆繼為酋長皆受都督號以統
 蕃州天寶初其酋長葉護頡利吐發遣使入朝封奉
 義王三載擊破拔悉密自稱骨咄祿毗伽闕可汗五
 載又遣使入朝因冊為懷仁可汗六載卒子磨延啜
 立國人號為葛勒可汗乾元三年葛勒卒長子葉護
 先被殺乃立其少子移地健是為登里可汗寶應二

年冊爲登里頡咄登密施舍俱錄英義建功毗伽可汗大曆十四年爲其相頓莫賀所殺頓莫賀自立號爲合骨咄祿毗伽可汗貞元四年冊爲天親可汗五年改統爲鶻從其請也是年天親可汗卒子多邏斯立國人謂之判官特勒詔冊爲登里邏沒密施俱錄忠貞毗伽可汗六年四月忠貞可汗爲其次相所殺立其子阿啜爲可汗七年詔冊爲奉誠可汗十年奉誠可汗卒無子國人立其相骨咄祿將軍詔冊爲滕里邏羽祿沒密施合胡祿骨咄毗伽懷信可汗骨咄祿將軍本姓跌跌少孤爲迴鶻大首領所養奉誠既

無嗣國人因奉爲主永貞元年懷信可汗卒詔冊其王爲愛登里邏泊德沒施俱錄毗伽可汗六年卒七年詔冊其王爲君登里邏骨德密施合毗伽可汗十一年卒詔冊其王爲愛登里邏汨沒密施合毗伽保義可汗長慶元年卒詔冊其王爲君登里邏羽錄密施合勾主祿毗伽可汗三年卒其後父弟曷薩可汗立詔冊爲君登里邏汨沒密施合毗伽可汗太和六年爲其下所殺其從子胡特勒立詔冊爲可汗開成四年自殺國人立勿篤公爲曷颯可汗會昌初其國爲黠戛斯所侵餘衆奔歸吐蕃處其州之地後唐同

光二年其國權知可汗仁美遣使貢方物莊宗用仁美爲莫義可汗其年仁美卒其弟狄銀卒阿咄欲立並遣使朝貢天成三年其國權知可汗仁裕遣使入貢明宗册仁裕爲順化可汗晉天福四年册爲奉化可汗

契丹其君長姓大賀氏唐貞觀二十二年蕃長窟哥內屬授松漠都督封無極縣男賜姓李氏其曾孫楷莫離則天時封歸順郡王萬歲通天中窟哥之裔李盡忠爲松漠都督盡忠死開元三年封其從父弟失活爲松漠郡王六年失活死從父弟娑固代統其衆

遣使册立仍令襲其兄官爵娑固爲其下所殺立其從父弟鬱于爲主玄宗乃令立册鬱于令襲娑固官爵十一年鬱于死弟吐于代統其衆襲兄官爵吐于與大臣可突于相猜來奔可突于立盡忠弟邵固爲主改封廣德郡王十八年可突于殺邵固降于突厥二十三年契丹衙官李過折殺可突于傳首東都詔封過折爲北平郡王其年過折爲可突于餘黨泥禮所殺會昌二年新立王名屈戌咸通末其王曰習爾之光啓中其王曰欽德有別部酋長阿保機自稱國王後唐天祐末僭稱皇帝天成元年阿保機卒僞謚

曰大聖皇帝保機凡三子長曰人皇王突欲即東丹王也次日元帥太子即德光也幼曰安端少君其母述律氏令德光權王牙帳令安端少君往渤海國代突欲將立為嗣而德光素為部族所伏又其母亦嘗鍾愛故因而立之漢高祖即位初德光卒東丹王突欲子凡欲立為天授皇帝周太祖廣順元年九月偉王子太寧王與燕王耶律述乾殺凡欲并其妻於帳下時德光子述律王子討太寧之亂諸部首領其推為國主偽號天順皇帝

奚本匈奴之別種唐貞觀末酋長可度者內屬太宗

置饒樂府以可度者為都督封樓煩縣公賜姓李氏開元三年封其首領李大酺為饒樂郡王八年大酺率兵救契丹戰死其弟魯蘇嗣立十年詔令襲其兄官爵十四年改封奉誠二十八年為契丹衙官可突于所脅走投榆關二十年酋長李詩以其部落五千帳來降封詩為歸義王充歸義州都督天寶五載又封其王娑固為昭信王仍授饒樂府都督元和元年其王梅落來朝二年以奚首領索低為檀薊兩州游奕兵馬使天祐初首領日去諸去諸卒子掃刺代立後唐莊宗破幽州賜掃刺姓名李紹威天成四年卒

子素姑代立清泰三年其首領達刺干遣通事介老
奏其王素姑謀叛欲附契丹已處置訖見權知部落
黑水靺漢武帝三年其部酋長突地稽遣使朝貢以
其部置燕州拜突地稽爲總管貞觀初有功賜姓李
氏封耆國公突地稽卒子謹行嗣封燕國公

渤海靺鞨唐聖曆中高麗別種大祚榮自立爲振國
王先天二年册拜渤海郡王仍以其所統爲忽汗州
加授忽汗州都督開元七年祚榮卒玄宗遣使册立
其嫡子桂婁郡王大武藝襲父爲左驍衛大將軍渤
海王忽汗州都督九姓燕然都督二十五年武藝病

死其子欽茂嗣立詔襲其父官爵寶應元年進封國
王欽茂卒其子嵩璘嗣貞元十一年二月令內嘗侍
殷志瞻將册書册爲渤海王忽汗州都督元和四年
嵩璘卒子元瑜嗣元瑜卒弟言義權知國務八年正
月封言義爲國王十三年遣使告哀詔以知國務大
仁秀爲國王太和五年仁秀卒以權知國務大彝震
國王深開平元年其王曰大誼讓

